

NOTÆ PARAPHRASTICÆ AD
novissimam Editionem instrumentorum fa-
ctam per Reverendissimum Indiarum Com-
missarium in causa competentiæ Iurisdictio-
nis cum Reverendissimo Seraphici Or-
dinis Generali Ministro.

HI C. remoratus documentorum acerbis duo non con-
temnenda præsignat: & nimiam Commissarij Indici
cautelam, quæ fraudis suspicionem gignit, glo. in l. Si quis sub
conditione. D. de cōdition. iustit. Menoch. lib. 3. præsumpt. 112.
n. 67. Farinac. de falsitat. q. 162. n. 155. & animum progra-
mmandæ cognitionis, ut Reverendissimus Seraphici Ordinis
Antistes tædio affectus, causam deserat, ac ipse Commissarius
iure occupationis de ambita libertate triumphum reportet.
faciunt scripta per Azevedo in l. 3. n. 1. tit. 9. lib. 4. Recop. Pa-
rex. de instrum. edition. tit. 6. resolut. 3. n. 54. Quin immo ipsa
mora productionis fraudem in instrumentis delitescerent
denotat, arg. text. in l. Si quis forte. 6. D. de pœn. observant cū
alijs Menoch. lib. 5. præsumpt. 20. n. 39. Parexa. tit. 7. resolut.
2. num. 37.

Ad n. 12. 35. usque ad 36.

Quis non videat in hac conclamata protestationum illuvie
protrahendæ litis consilium serpere, & eo totam iaculatio-
nem referri? Apage, ut Regius Filii Patronus, vir eruditissi-
mus, & que & pius velit, ut supremus Indiarum Senatus de mo-
do iurisdictionis spiritualis, & cuius sit ligare & absolvere in-
ter personas Religiosas absque speciali & differta delegatio-
ne Pontificis ordine iudicario cognoscat.

Ad n. 20.

Hoc mandatum Congregationis Vallisoletanæ de anno
1670. iniunctum Commissario Indico, ut in Provincijs suo
muneri contributis alternativam officiorum servari curet, vt

A plu-

plarimum supponit iurisdictionem ordinariam, (si excitativē directum singas) non privativam, neque supremam, de quibus differitur, cap. līcet in corrigendis. 12. de offic. ordinariis.

Ad n. 24.

In hac Victorianæ Constitutionis (evidenter apocriphæ) comprobatione imbellē insudant: quia ut monimus in defensorio latino num. 127 in præsentiarum chartam emporeticam agit, nullius prætij est. Ast non cessant nos vrgere, & provocare, vt de illa commentitia lege aliquid regeramus. Invite tamen, & solius defensionis ergo,

Plura sunt argumenta, & quidem apodictica, quæ ad eam convincendam præstat Reverendissimus Minister in Mem. num. 417. 418. & 419. Nos vnum, aut aliud subiiciemus. Primum descendit ab inverosimilitudine, qua nihil vrgentius est, quod veritati aduersetur, cap. Quia verisimile. 10. ubi Barb. num. 3. & 5. de præsumptionib. Legitur in illo pseudo statuto, eius ordinationem à nostri Invictissimi Regis Imperio processisse; quod nulli cor dato inverosimile, ne dicam erro- neum, non videbitur: sed instrumenta clausulas insolitas, & non verosimiles continentia, falsa præsumuntur, Farinac. de falsitat. & simulat, quæst. 162. num. 155. & 215. ergo.

Secundum est, quod testimonium novissime productum Archiotæ Romani ex Aracoelatenſi Coenobio, non probat in existentiam Statutorum originalium, quæ condita fuerunt in Comitijs Victoriensibus de anno 1648. & sub eodem anno Cæsar Augustæ punicem receperunt: quia verbis, & assertio- ne negativa conceptum est, qui modus attestandi per rerum naturam imprecabilis censetur, l. actor. 23. C. de probat. l. ad severatio. 10. C. de non numerat. pecunia. c. fin. 6. q. 5. c. bona memoria. 23. de elect. c. ad nostram. 12. de probat. l. 17. tit. 18. p. 3. l. 32. tit. 11. p. 5. Nisi ita loco, vel tempore circun- scribatur, vt aliter sentiendi possibilitas abscedat, §. item verborum. 12. insit. de inutilib. stipulat. l. optimam. 14. C. de contrah. & commit. stipulat. c. ex tenore. 35. de testibus. Exor- naht Farinac. de testib. q. 65. ex n. 218. Duarenus sub tit. de probat. c. 12. Fermoſin. in c. quoniā contra falsam, q. 2. & 3. cod. tit.

Non

Non præstat hanc circumscriptionem, seu coarctationem
volutatio diligens regestorum, quæ in Archivo Romano re-
posita sunt: quia regula contraria duntaxat procedit, quando
vnicus est locus, vbi servari debent; non sic, quando alibi re-
condi solent: tunc namque investigatio vnius Chartopylacij
in existentiam instrumenti non probat, quia in alio esse, & in-
veniri potest, quemadmodum intelliguntur, *tex. in l. non est*
novum. 5. C. in l. iustum. 6. C. de edendo. obseruat Rota apud
Posth. post tractat. de manuten. decis. 548. n. 9. eis verbis:
Neque per exhibitionem documenti factam ad effectum docen-
di de professione emissa, qua in eo non est registrata, excludi-
tur possibilas illius existentias in alia scriptura, vel documen-
to diverso ab actu fidelitatis: quia ad hoc ut probatio negativa
non concludat, sufficere actus possibilitatem notat Paul. de Ca-
stro, Ec. latissimè Parexa. tit. 7. resolut. 10. n. 1. 78. 79. C. 80.
Hæc doctrina prælenti hypothesi adamussim aptatur, quia
non constat, nec certa regula nobis proponitur, qua scia-
mus, vtrum Romæ, an Matriti, vel alibi Statuta, & ordinatio-
nes originales Congregationum servari debeant: nec maior
viget ratio eas reponendi Romæ, quam Matriti, aut in To-
letano Coenobio, vbi alternatim comitia Generalia Seraphi-
ci Ordinis celebrantur.

Sed demus (sine veri præiudicio) acta Victoriensia de an-
no 1648. servari debuisse in Romano Chartopylatio, & quod
non inventio eorum editas Constitutiones, spurias, suspectas-
que reddat. Quæro, num hoc vitium æque influit in Consti-
tutiones Matriti, ac Cæsar Augustæ excusas? Certè sic: quia
matrix earum vna, atque eadem fuit, vel else debuit: ergo illa
ordinatio, cui tantopere fidit Commissarius, in alvo Prætoris
scribi non meretur. Dignus, qui reporta saggita amare defeat:
Hen. talis patior vulnera facta meis.

Et consequenter querat aliquis: vbi ille Reverendissimus
Maldonatus, qui Author fuit postremæ editionis Matriten-
sis, & bellum hoc indicere cepit Reverendissimo Generali
Ministro, reposuit Constitutiones originales Victorienses,
cum necessario ad ipsum, ad virginandum prælum, præventu-

ra fuissent: facile cordati respondebunt: *Ad conflandam Constitutionem spuriam, in verosimilem, Statutis Seraphicis contrariam, & Canonicas, sanctioribus inimicam, non fuit opus aliqua originali ordinatione. Vt quid ergo regestum illius quartis. Aut quare nullum terebrare nitimini?*

Ad n. 30. *Duo hinc etare libet, Primum, quod assertioni Principis, etiam de facto proprio, quo usque statur, donec contrarium probetur, quemadmodum accipitur text. in Clement. unic. de prob. vt ibidem observat cum alijs August. Barbos. n. 7. Sed leges Seraphici Ordinis disserit hanc hereditatem instituendi Procuratores etiam pro America Familia, deferunt Reverendissimo Ministro, vt in defensorio latino ex n. 103. ergo.*

Secundum, quod actus in contrarium presumpti, & attentati ab Indiarum Commissario liti causam dederunt: qua propter in consequentiam trahi non possunt, plene Posth. de manut. obseruat. 17. ex n. 44.

Ad n. 31. & 32.

*Testimonia, quae in his §§. producuntur, praeter innumeraria vitia, quibus scatent, & propter pudorem consulto omiti-
nus, vt plurimum probant, fratrem Franciscum de Rosellon
de facto, & vti Procuratorem putativum adstitisse causæ beatificationis servi Dei Sebastiani de Aparicio; non ius, seu
valorem mandati; quia Sacra Rituum Congregatio nihil de
hoc usque modo interloquuta fuit, ad Bart. in l. 1. & ibidem
Iasson. n. 8. C. de Procuratorib. Quia nec docent procura-
tionem de facto: quia decreta de illa non assertive, sed enun-
tiative loquuntur, qui neutquam est modus legitimus proban-
di mandatum, Felin. in c. cum in iure peritus. n. 14. de offic.
delegat. Masch. ard. conc. 1098. n. 7. Etiam si velis Sacre
Congregationi Pontificiam adsciscere Maiestatem; quia in-
ficiante Domino litis (qualis censetur Reverendissimus Anti-
stites) eius narratio, seu enuntiatio in nihilo relevat, Maschar-
dus ubi proximè n. 16. Vt cunque tamen sit, hic actus arte
Pellaci Commissarii & potentia ad Ministrorum Regiorum
Romæ agentium obtulit, causam dedit, somitem ministra-*

vit huic controversiæ: slociigitur stirnandus est , vt supra n.
30. ad fine in: *Ad 336: usque ad 45.*

Hæret Commissarius Indicus præscripto appellationum Ordini; vt inde deducat; Reverendissimum Ministru m nihil in univerla Religione præsumere posse , nisi per quartam ad di-
ditus fuerit à liberdit. In qua re Constitutiones œcumenicæ confundit cum specialibus utriusque Familia; Cismontanæ; & Ultramontanæ: cum in Ordine ad obligandum è Régione di-
stent; c. 2. de Conf. in 6. Autunz. de donat. Reg. p. 2. c. 10.
ex n. 51. Sed qui malam causam fovet , nihil non confusè; non cum strepitu agit.

Illis, quæ de hac re dedimus in defensorio n. 14. 15. 16.
17. 64. & 65. addi possunt sequentes notulae. Prima , quod ille ordo appellandi gradatim, duntaxat procedit in iudicialibus, & deductis ad forum contentiosum, eo modo quoq; inter Regulares discutiuntur, c. qualiter & quando in fine. 24. de accusat. non in extrajudicialibus, & ad iurisdictionem voluntariam pertinentibus: de his enim Constitutiones allegatae , nec verbum loquuntur ; vnde in hoc articulo recurretum est ad ius commune, l. commodissime. 10. D. de liber. & pos-
tibum. l. præcipimus. 32. C. de appellat. Autunz de donation.
reg. p. 2.c. 10. n. 108. 124. & 125. Quod in hac parte ex-
plorate faverit Reverendissimo Seraphicæ Religionis Præposi-
to. Quin & in alia, quoad ius avocandi nullus , qui elevoro opus non habeat , autoritatemei negat, vt ad incedem in defensorio probavimus.

Secunda notula , quod Commissarius in hac re sibi non constat. Contendit, Reverendissimum Præpositum in Pro-
vincijs Americis Prælatura Ordinaria exuere sub fuso appelle-
lationis gradualis: ipse tamen , qui in ea familia Praefecti inu-
nus gerit, ab hac lege liberum se facere satagit. Quis non ri-
deat? l. 1. D. quod quisque iur. vbi Vlpianus: hoc edictum sum-
mam habet equitatem, & sine cuiusquam indignatione iusta.
Quis enim aspernabitur, idem ius sibi dici, quod ipse alijs di-
xit, vel dici efficit?

Ad in. 63. usque ad finem.

Hoc Ministri Generalis Capuccinorum exemplari extra orbitam est: & si quid probat, adversus Commissarium Indianum retoquetur. Quoad creationem & institutionem Commissariorum Peruani & Mexicani, ac Vicie-Commissarij Hispanensis habemus leges dissertas, quas retulimus in defensorio n. 119. 123. 124. & 125. quibus vigentibus vicini mores insipide advocantur, c. cum olim 6. vbi latè Barb. num. 4. C. 5. de consuetud.

Si tamen Regio Rescripto, quod hic inseritur, morem gerere velis, nihil in eo recensetur, quod ad decisionem prælatis articuli trahi possit; quia non præceptorium, sed præcatum est, & in materia rescribenti non subiecta, *D. Salgado de Reg. Protect. p. 1. cap. 2. num. 169.* In quo valde elucet nostri Augustissimi Principis pietas, adque sacra ministeria, & Ecclesiasticam immunitatem summa Religio, cuius ergo in hisce rebus non legiferum, sed præcatorem se ostendere, quam sanctius studet.

Si tamen (ut coniectari licet) hæc officia cum Capuccino Præposito ad exemplum trahuntur, vt Reverendissimus Observantiae Minister illum iminetur, frustra tempus terunt in hac disceptatione forensi. Præceagent, non iure contendant. Interim tamen Commissarius sibi reponat, quid de perpetuitate illorum munerum noster Monarcha in eo rescripto senserit; vt sicut protectionem Principalem tota aviditate pro quietatur, ita anima Regio, vere pio, supra miraculum Catholico, mentis præstet obsequium. Salva, &c.

Ita id est, ut iuri amittatur. *Fr. Martinus de Salazar, Concionator Regius, Custos, & Pater Provinciae Castelle, ac R. mi Patris Ministri Generalis Procurator.*

Ita id est, ut iuri amittatur. *Fr. Martinus de Salazar, Concionator Regius, Custos, & Pater Provinciae Castelle, ac R. mi Patris Ministri Generalis Procurator.*

